

ԹԻՎ 21 ՏԱՐԱԾՔԱՅԻՆ ԸՆՏՐԱԿԱՆ ՀԱՆՁՆԱԺՈՂՈՎ

11 դեկտեմբերի 2021թ.

ք. Մարտունի

Ո Ր Ո Շ ՈՒ Մ N 46-Ա

«ՄԻԱՍՆԱԿԱՆ ՎԱՐԴԵՆԻՍ» ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԼԻԱԶՈՐ ՆԵՐԿԱՅԱՑՈՒՑԻՉ ՎԱՐԴԱՆ ՌՈՒԲԵՆԻ ԲԱՐՍԵՂՅԱՆԻ ԴԻՄՈՒՄՈՎ ԹԻՎ 21/43, 21/44, 21/46, 21/52, 21/60, 21/74 ԸՆՏՐԱԿԱՆ ՏԵՂԱՄԱՍԵՐՈՒՄ ՔՎԵԱՐԿՈՒԹՅԱՆ ԱՐԴՅՈՒՆՔՆԵՐԻ ՎԵՐԱՀԱՇՎԱՐԿԻ ՊԱՀԱՆՋԻ ՄԱՍԻՆ ԴԻՄՈՒՄԸ ՄԵՐԺԵԼՈՒ ՎԵՐԱԲԵՐՅԱԼ

Ուսումնասիրելով Վարդան Ռուբենի Բարսեղյանի 10.12.2021թ. 21/43, 21/44, 21/46, 21/52, 21/60, 21/74 ընտրական տեղամասերում քվեարկության արդյունքների վերահաշվարկ կատարելու մասին դիմումը (այսուհետ՝ վերահաշվարկի դիմում)՝ թիվ 21 տարածքային ընտրական հանձնաժողովը

Պ Ա Ր Ձ Ե Ց

1. Դիմումատուի ներկայացրած պահանջը

Դիմումատու Վարդան Բարսեղյանը թիվ 21 տարածքային ընտրական հանձնաժողով ներկայացրել է վերահաշվարկի դիմում, որում նշված է.

«Նկատի ունենալով 21/43, 21/44, 21/46, 21/52, 21/60, 21/74 տեղամասերում իրականացված վերահաշվարկի արդյունքում ավագանու մանդատների էական փոփոխությունը խնդրում ենք վերահաշվարկ իրականացնել Վարդենիս համայնքի բոլոր տեղամասերում:»

2. Թիվ 21 տարածքային ընտրական հանձնաժողովի հիմնավորումները (պատճառաբանությունները) և եզրահանգումը

«Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի (այսուհետ՝ Ընտրական օրենսգիրք) 50-րդ հոդվածի 1-ին մասի համաձայն.

«Ընտրություններին մասնակցող կուսակցության ընտրական ցուցակում ընդգրկված թեկնածուն կամ համայնքի ղեկավարի կամ ավագանու անդամի թեկնածուն կամ վստահված անձը, եթե նրանք ներկա են եղել ընտրական տեղամասում քվեարկության արդյունքների ամփոփմանը, ինչպես նաև տեղամասային ընտրական հանձնաժողովի անդամը՝ ընտրական տեղամասում քվեարկության արդյունքների վերաբերյալ արձանագրությունում քվեարկության արդյունքների ամփոփման կարգի վերաբերյալ հատուկ կարծիք ունենալու մասին գրառում կատարելու դեպքում, իրավունք ունեն սույն օրենսգրքով սահմանված կարգով և ժամկետներում բողոքարկելու տվյալ ընտրական տեղամասում քվեարկության արդյունքները՝ տարածքային ընտրական հանձնաժողով

ներկայացնելով ընտրական տեղամասում քվեարկության արդյունքների վերահաշվարկի մասին (այսուհետ՝ վերահաշվարկ) դիմում:

Ընտրական տեղամասում քվեարկության արդյունքների վերահաշվարկի դիմում կարող է ներկայացվել միայն համապատասխան տարածքային ընտրական հանձնաժողով քվեարկության հաջորդ օրը՝ ժամը 12.00-ից մինչև ժամը 18.00-ն, կամ քվեարկությունից հետո երկրորդ օրը՝ ժամը 9.00-ից մինչև ժամը 11.00-ն:»:

Վերոգրյալից ակնհայտ է, որ Ընտրական օրենսգրքով հստակ սահմանված են տեղամասում քվեարկության արդյունքների վերահաշվարկի դիմում ներկայացնելու ժամկետները:

Թիվ 21 տարածքային ընտրական հանձնաժողով քննարկվող դիմումը մուտքագրվել է 10.12.2021թ. ժամը 16.40-ին, սակայն պետք է մուտքագրվեր ոչ ուշ, քան 07.12.2021թ. մինչև ժամը 11.00-ն:

Հաշվի առնելով վերոգրյալը և հիմք ընդունելով Ընտրական օրենսգրքի 50-րդ հոդվածի 1-ին մասի պահանջները, թիվ 21 տարածքային ընտրական հանձնաժողովն արձանագրում է, որ վերահաշվարկի մասին դիմումը ներկայացված է Ընտրական օրենսգրքի 50-րդ հոդվածի պահանջների խախտմամբ:

Ընտրական օրենսգրքի 50-րդ հոդվածի 16-րդ մասի համաձայն.

«Տարածքային ընտրական հանձնաժողովը մերժում է ընտրական տեղամասի քվեարկության արդյունքների վերահաշվարկի մասին դիմումը և վերահաշվարկ չի իրականացնում, եթե պահանջվել է քվեարկության արդյունքների վերահաշվարկի իրականացում սույն հոդվածի դրույթների խախտումով»:

Հիմք ընդունելով վերոգրյալը և ղեկավարվելով Ընտրական օրենսգրքի 50-րդ հոդվածի 16-րդ մասի պահանջներով՝ թիվ 21 տարածքային ընտրական հանձնաժողովը

Ո Ր Ո Շ ՈՒ Մ Է.

1. «Միասնական Վարդենիս» կուսակցությունների դաշինքի լիազոր ներկայացուցիչ Վարդան Ռուբենի Բարսեղյանի 10.12.2021թ. դիմումը՝ թիվ 21/43, 21/44, 21/46, 21/52, 21/60, 21/74 ընտրական տեղամասի քվեարկության արդյունքների վերահաշվարկ կատարելու մասին՝ մերժել և վերահաշվարկ չիրականացնել:

2. Սույն որոշումն ուժի մեջ է մտնում նիստում հրապարակվելու պահից:

3. Սույն որոշումը կարող է բողոքարկվել Հայաստանի Հանրապետության կենտրոնական ընտրական հանձնաժողով կամ Հայաստանի Հանրապետության վարչական դատարան՝ օրացուցային երեք օրվա ընթացքում:

**Թիվ 21 տարածքային ընտրական
հանձնաժողովի նախագահ՝**

ՍԱՐՈ ՂԱԶԱՐՅԱՆ